

續資治通鑑長編卷五十九

宋 李燾 撰

眞宗

景德二年春正月庚戌朔大赦翰林侍讀學士右諫議大夫潘慎修寢疾託故人陳彭年草遺奏不爲諸子求官但以主恩未報爲恨及卒上甚憫之錄其二子賻贈加等命有司給舟護其喪歸葬汝州

壬子詔河北諸州強壯除瀛州城守得功人第其等級以聞餘並遣歸農令有司市耕牛送河北

癸丑以河北諸州禁軍分隸鎮定高陽都部署合鎮定兩路爲一天雄軍滄邢貝州留步卒六指揮其餘營在河陽及京城者並放還行營之號悉罷

甲寅工部侍郎參知政事王欽若自天雄軍來朝樞
密院議次補禁軍列校王繼英奏曰藩邸給事之人尙
在外議者皆聚議騰謗謂臣蒙蔽不言於上致其沉滯
上曰此等不自省循苟求僥倖借如因緣際會儻加陞
擢必須有名方塞輿議先帝時有一散從官李繼榮在
藩日曾預給使後十餘年但隸名尙食局常隨流輩預
選先帝見而詢之乃知繼榮也止遷隊長歲餘漸擢爲
小校國家爵位豈容妄授也

上以河北守臣宜得武幹善鎮靜者乙卯命西上閣門
使馬知節知定州孫全照知鎮州刑部侍郎趙昌言知
大名府給事中馮起知澶州洺州團練使上官正知貝
州莫州團練使楊延朗知保州滁州刺史張禹珪知石

州崇儀使張利涉知滄州供備庫使趙繼昇知邢州西
上閤門副使李允則知雄州供備庫副使趙彬知霸州
上親錄其姓名付中書且曰朕如此裁給當否卿等共
詳之畢士安曰陛下所擇皆才適於用望付外施行從
之知節先在鎮州方敵犯塞民相攜入城知節與之約
有盜一錢者斬俄有竊童兒錢二百者卽戮之自是無
敢犯者每中使齎詔諭邊郡知節慮爲敵所掠因留之
募捷足閒道而行以達詔旨會發澶魏邢洺等六州軍
儲赴定州水陸並進時兵交境上知節曰是資敵也因
告諭郡縣凡公家輸輦之物所在納之敵欲剽劫皆無
及車駕幸澶淵大將王超擁兵數十萬屯定州逗遛不
進知節屢諷之超不爲動復移書謂讓超出兵猶辭以

中渡無橋徒涉爲患知節先已命工度材一夕而具上

聞之手詔褒美

殿前都虞候康州防禦使曹璨爲鎮

定兩路副都部署治鎮州鈐轄四員分二員赴定州如

定州有軍事會議令璨暫赴之其緣邊巡檢楊延朗止

令在保州遣同巡檢往來巡警如有羣盜會兵剪戮卽

率麾下往赴荆嗣亦如之

璨本傳云兼知定州按馬知節實知定州恐傳誤

罷北面部署鈐轄都監使臣二百九十餘員命監察

御史朱搏赴德清軍收瘞戰沒遺骸并致祭令河北

轉運使賑饑民口一斛戶五斛知益州張詠言羈縻

保霸二州刺史董忠義等皆世襲望賜時服上曰蠻陬

首領假以名秩若援內地牧守之制當賜錦袍又恐夷

人無厭請求不已乃詔依維茂知州例歲賜紫衣錦袍

保霸二州密邇維茂蓋西夷也國史附此事於西南蕃傳且云西南蕃乃牂牁郡故地按居牂牁故地者實爲南夷其族帳首領皆姓龍與諸董絕不相關國史誤矣諸董可號西蕃若牂牁故地族帳則不可號南蕃也

咸平中江淮制置茶鹽使秦義獻議歲增權酤十八萬緡頗爲煩刻於是戶部判官李防出使言江南歲儉所增權酤新額已權停之仍請權停淮浙荆湖路詔從其請因詔義無得擅增權課自後制置司不復兼領酒權矣義江甯人傳序從孫也

丙辰詔諭緣邊諸州軍各遵守契丹誓約不得輒與境外往還規求財利詔定保雄莫霸州順安平戎信安軍長吏並兼制置屯田事舊兼使者仍舊先是雄州長吏獨兼領使名其諸州卽別命官掌之上慮通好之後或漸成弛慢故申敕焉

丁巳詔河北走馬承受公事止存六餘悉罷之定州
部署言昨遣散員指揮使趙信帥所部襲寇至水谷寨
誤掠民牛畜鞫得實事在赦前上曰信等皆土人乃素
有仇怨而剽劫耳雖已經赦宜部送闕下配隸他所
召輔臣觀瀛州所獲戎人攻城戰具皆制度精好鋒鏑
銛利梯衝竿脾悉被以鐵城上懸板才數寸集矢二百
餘因遣宮苑使劉承珪西上閤門副使李允則往瀛州
校立功將校等級以聞旣而復命陸元凱爲屯田員外
郎史普爲尙食副使方城守際元凱矢中面普勇敢不
避敵故也其後李繼宣浚高陽壕得遺矢凡四十萬敵
攻城不遺餘力蓋如此尋又以河間縣令睦昭矩爲右
贊善大夫司理參軍李義方爲大理寺丞自餘幕職令

錄悉授京官判司簿尉第遷幕職令錄同出身人免選

超注家便官皆賞守城之勞也

賞睦昭矩等在四月丙子今并書之

除

河北諸州姦人因巡幸輒謀搖動所在斬決之條

令

斬黃州賑饑民

免潁川學究段廣將來秋解廣以戶

籍當運菽百二十石輸澶州復就獻五百石助軍故獎

之

戊午贈張旦爲左衛大將軍深州團練使子利涉爲崇

儀副使虎翼都虞候胡福爲洺州團練使指揮使尙祚

爲濱州刺史張睿爲濱州刺史劉福爲臨州刺史都頭

輔能等十四人並爲諸衛率府副率錄旦子四人爲東

頭供奉官福等子十五人次補諸班副都知殿直奉職

殿侍仍各賜衣服銀帶以白金百兩給其家初邯鄲令

賣資台通監長編

卷五十九

四

李正辭赴任值道梗留德清同拒敵侍禁夏承皓部兵至大名界遇敵皆戰沒贈正辭工部員外郎承皓崇儀使又贈受事河朔而沒者殿直劉超爲供備庫使入內高班內品李知順爲六宅副使奉職胡度等三人爲內殿崇班仍各錄其子及賻卹其家時上封者言旦等死義朝廷宜優加恩典以勸忠臣乃命有司錄贈官制書及錄用諸子事布告天下

右正言直史館張知白言

江南諸州惟袁州有盜二人未獲餘郡皆獄空

庚申岢嵐軍請修舊方田火山軍請築月隄上以違契丹誓約不許

令有司籍三班使臣白契丹南侵嘗使

軍前者賞之

辛酉峽路都監侯延賞等言施黔溪洞掠去漢口七百

餘戶歸業悉以兵器銅印假署符牒送官

癸亥命翰林學士趙安仁等五人權同知貢舉 河陽

請調丁匠修濟瀆廟上慮擾民令發卒二百給其役

甲子詔緣邊諸州契丹來獻雉免求酒食者遣吏齎置
境外給之

丙寅山南東道節度使李繼隆武甯節度使石保吉馬
軍都指揮葛霸步軍都虞候王隱以澶州之功並加封
邑繼隆特加開府儀同三司 詔淮南諸州以上供軍

儲賑饑民

丁卯謁明德皇后攢宮素服行哭賜守奉人緡帛遣內

殿崇班楊保用往河北諸州取所頒御劍

保用已見去年十二月

步軍都虞候天平節度使王超爲三路總帥無功引兵

赴行在又違詔失期上章待罪上憫其勞舊弗責戊辰
以超為崇信節度使罷軍職便道之任始超之敗也人
心震搖行營都監李允則勸超衰經向師而哭以解眾
忿復促超整師以進上知之賜允則詔書褒勵焉此據李允則本傳然王超本傳及他書並不言超嘗敗績也但逗撓不進耳豈史官亦有所諱耶今姑從允則本傳附載更須考求之司馬光記王欽若迎勞超于郊外等語蓋當時頗有疑超背叛者然其蹤跡都不可知假如允則本傳兵果敗人心震搖可也眾又何必而以衰經哭解之乎

罷晉絳等七州博羅

芻粟省河東部署鈐轄司使臣百餘人又省河北諸州
戍兵十之五緣邊三之一

己巳參知政事王欽若加階邑實封申謝又賜襲衣金
帶鞍馬故事輔臣加恩無所賜上以欽若守藩有勞特
寵異之自是遂為故事此據春明錄

孫全照張旻秦翰並

以戰守功加檢校官及封邑餘悉推恩有差 河北諸
州官吏使臣曾率兵出城逐寇者第賜階勳一轉 令
河北部署司各留指揮使使臣天文醫官共十員餘悉
遣還仍令計所在軍儲分兵屯戍勿復調民飛輓 詔
五嶽廟增造什物無得科借擾民

庚午令緣邊諸州軍得北界書牒卽詳其意報之以其
書牒來上 令河東發并代廣銳騎軍三十指揮歸本
道代自京所遣禁卒萬七千餘

契丹新城都監遣吏齎牒請令商賈就新城貿易雄州
以聞辛未詔雄州如北商齎物至境上者且與互市仍
諭北界官司自今宜先移牒俟奏報

癸酉贈國子博士武白爲光祿少卿白受命知相州道

遇寇死焉仍錄其子給俸終喪

武白未詳

徙鳳州駐泊兵

馬屯鳳翔

甲戌以高品周文質爲殿頭高品澶州之役文質主北
寨之西偏會張皓自契丹還言彼謀以遲明來襲文質
卽馳告李繼隆秦翰等爲備頃之敵暴至文質出兵扞
禦其部下以連弩射殺達蘭敵遂遁去及是上召見便
殿親加獎勞優賜遷秩焉

周文質未詳

詔緣邊諸州所市

戰馬舊自三歲至十七歲者官悉取之自今止市四歲
至十三歲者餘勿禁 命常參官二人分往荆湖北路
淮南諸州出官粟作糜粥以食饑民仍令擇幕職使臣
之勤幹者司其事長吏常按視之每十日具所賑糜粥
之數以聞自是全活者甚眾 詔河南府及徐州等處

民轉送軍儲往滑州者蠲其秋稅十之二 令河北轉運使察部內幕職州縣官不任職者以聞仍令流內銓自今精加選擇引對取裁

戊寅詔河北州官吏設法招集驚擾人民各具數以聞仍書厯爲課 令河北河東緣邊州軍自今北界齎牒送生口者給以茶綵部送出境答其牒咸定式以頒之上以河朔戎寇之後耕具頗闕牛多瘠死淮楚間民用踏犁凡四五人力可以比牛一具詔取式付轉運司令詢於民間如可用則造給之 河北轉運副使盧琰言天雄軍見管米麩計一萬九千五百餘斤澶州計四萬二千二百餘斤詔以給兩處饑民

趙州吏民詣轉運使言昨者敵騎入寇知州虞部員外

郎王用和完守城壘安輯民庶鄰邦襁負相續而至儲

積有備糒糧無乏二月庚辰轉運使以聞詔獎用和

先是益卽嘉眉等州

本志無眉州有雅州

歲鑄錢五十餘萬貫自

李順作亂遂罷鑄民間錢益少私以交子爲市姦弊百

出獄訟滋多乃詔知益州張詠與轉運使黃觀同議於

嘉卽二州鑄景德大鐵錢如福州之制每貫用鐵三十

斤取二十五斤八兩成每錢直銅錢一小鐵錢十相兼

行用民甚便之京西轉運使言襄許陳蔡等州民饑

請減價糴倉粟賑救從之

辛巳令雄霸州安肅軍復置權場仍移牒北界使勿於

他所貿易上聞軍士屯戍於外妻孥受所給月糧或

致虧少微弱不能上訴詔開封府察其奸弊辰州言

諸洞蠻攻下溪州爲其刺史彭儒猛擊走之禽酋首以獻詔賜儒猛錦袍銀帶儒猛自陳母老願被恩典詔特加邑封河東轉運使鄭文寶言知并州王嗣宗知潞州韓國華等綏緝有方供億無乏並詔褒諭

癸未山南東道節度使同平章事李繼隆卒贈中書令謚忠武繼隆出於貴胄感慨自立嘗失幼子上合翰林草詔慰撫詔語有云當極卜商之慟上曰此子夏失明事繼隆知書覽之非便遂命改焉在太宗朝特被親信每征行必總戎政上以元舅之故不欲煩之軍旅優游近藩恩禮甚篤繼隆亦多智能用謙謹保身明德寢疾欲面見之上促其往繼隆但詣萬安宮門拜牋終不入宮又嘗命諸王詣第候謁繼隆不設湯茗第假王府從